

Međunarodna mobilnost akademskog osoblja (ERASMUS + KA1)

Ekonomski fakultet Brčko je ostvario učešće u programu međunarodne mobilnosti akademskog osoblja ERASMUS + KA1 na osnovu uspostavljene saradnje Univerziteta u Istočnom Sarajevu sa Univerzitetom Valahia iz Targovišta u Rumuniji.

U periodu od 29.05.2023. do 02.06.2023. godine doc. dr Lidija Mitrašević je boravila na Ekonomskom fakultetu Univerziteta Valahia (<https://economice.valahia.ro>) koji organizuje studijske programe ekonomije prvog, drugog i trećeg ciklusa. Pored realizacije nastavnih aktivnosti, sastala se prorektorom za institucionalni razvoj i međunarodne odnose Univerziteta Valahia prof. dr Silviom Miloioim, kao i sa predstavnicima Ekonomskog fakulteta.



Dekan Ekonomskog fakulteta prof. dr Maria – Cristia Stefan i prodekan za nastavu prof. dr Florin Radu su istakli mogućnosti i izrazili spremnost za realizaciju međunarodne mobilnosti studenata. Prema njihovim riječima, pored brojnih studijskih programa prvog ciklusa, studentima Ekonomskog fakulteta Brčko bi posebno mogao biti zanimljiv studijski program Poslovna administracija koji Ekonomski fakultet

Univerziteta Valahia realizuju na engleskom jeziku (<https://international.valahia.ro/erasmus-student-guide-2023/>). Kampus Univerziteta Valahia ima izgrađenu savremenu infrastrukturu (moderne amfiteatre, sale za sastanke, laboratorije, institut za multidisciplinarna istraživanja, studentske domove itd.) koja omogućava pružanje visokokvalitetnih obrazovnih, naučnih i društvenih usluga domaćim i inostranim studentima.



Prorektor prof. dr Silviu Miloiu, kao glavni koordinator za međunarodnu mobilnost akademskog osoblja, uz tehničku podršku gospođe Doine Bucur, potrudili su se da boravak doc. dr Lidije Mitrašević bude koristan i prijatan, kako sa naučnog, nastavnog i istraživačkog aspekta, tako i u pogledu društvenih aktivnosti. Organizovali su posjetu Institutu za multidisciplinarna istraživanja Univerziteta Valahia (<http://icstm.ro>), prisustvo takmičenju studenata u izradi poslovnih planova Ekonomskog fakulteta Univerziteta Valahia (<https://economie.valahia.ro/wp-content/uploads/2023/02/EME-2022.pdf>) kao i obilazak brojnih kulturno-istorijskih znamenitosti Targovišta.

